

五

小倉山房詩集卷十六

庚辰辛巳

錢唐袁枚子才

贈園十咏爲託師健方伯作

平臺

老眼三朝潤平臺四角方因山分上下望遠入蒼茫得
盡青天月鋪勻碧瓦霜謝公詩興發獨坐咏清商

抱石軒

一軒當石起緊抱丈人峰花月分窓入烟蘿合戶封坐
憐紅日瘦行覺綠陰濃鳥問幽棲客人間隔幾重

老樹齋

從前樹爲屋掩公拓出之得舊礎果其地也

老樹得春先
亭簷遮幾年
數椽移向後
萬綠盡當天
葉密雨聲寒
枝高日脚懸
新基卽舊礎
暗合古賢緣

稊生亭

有古樹枯而復生

黍谷陽和轉
枯楊竟長稊
春風如隔世
去鳥復來棲
樹解輪回義
亭留瑞事題
知公多雨露
溝壑起蒸黎

寄盧稚雨觀察

淮南聞說泛流霞
七十神仙髻未華
千里風人齊進酒
二分明月正當花
紅橋燈影宵移艇
白雪春聲書放衙

擬指平山向公祝萬枝松當海籌加

初寒

久疎秋水愛斜陽九月初寒漏漸長夜坐不嫌人近燭
晨興忽見瓦留霜身依燕玉堪娛老心怯吳綿可在箱
我是家居眠未穩天涯爭奈客思鄉

答鎮江觀察錢璵沙先生見贈

江頭舊雨作監司江上閒雲慰夢思一代交情車笠在
廿年離緒髻霜知家林諫草終存史身是傳人更有詩
多感瑤華重疊贈彈琴想爲遇鍾期

薛一瓢鐫銅杖字曰銅婢屬予爲歌

金銅仙人辭漢主嫁與先生作妙女先生新聚銅山歸
兩足軒軒能健舉婢子清瘦鑠有神不言不笑能扶人
晝則隨行夜侍側但見金夫不有身既不須霍光窮袴
加護借又不慮袁紹妬妻加髮剔只恐葛陂遇水化爲
龍轉使老人愁孤立我聞北朝元魏立正宮先取黃金
鑄后容又聞竊寶範國寶亦將妃面摩青銅先生倣古
作銅杖特教婢學夫人相借力橫行花月天平拖不畏
江湖浪一時名士盡有歌祝君偕老專房多我獨闌諸

君應笑頗聞銅臭與奈何

喜文王至

扁舟迎得柳枝娘銀燭當筵照晚粧仙雨着衣成酒氣
美人私語作蘭香尊前吳髮憐儂短席上秦聲愛汝長
喜字自書三十六剪箋擬學鬱林王

再贈文王

霜林紅葉好陽春邂逅橫塘賦洛神久已盧家傳少婦
況兼蘇小是鄉親玉爲盧氏廿
姬杭州人嬌鶯喘細將沈漏軟雪
魂消乍抱身避莫摩登花未散又分惆悵與詩人

除夕望山尚書賜尚囊餅鹿肉戲謝四絕句

風景蕭蕭歲又更梅花門外馬蹄聲
師恩更比春光早
捧得金盤落照明

春晴

今歲天公太有情
冬無雪又春晴紅梅但覺飛香久
綠草何曾借雨生
雙燕翅如迎曉日
百花心更望清明
風光似此須行樂
莫管頭白幾莖

贈希裴觀察四十韻

憶昔參師相名揚仰大賢
雲泥一千里桑海廿三年
半

百公大屈稱觴我自憐
借題將有逆染筆愧難宣
吏部當時貴郎官
擅譽先謝莊司九品毛玠掌三銓
智府永壺朗神機玉燭鮮
方書頒杜下勳格配階前
再轉西臺肅行看獨坐專
鸞坡鳴獬豸相府立鷹鷂
五馬馳江左三河轉漕船
福星歌子駿得寶唱章堅
黔首交相賀金陵信有緣
怕河臨瓠子鞠獄到幽燕
去似春難別來如月再圓
薰風吹草偃高識踞雲巔
路正行允穩心虛事不偏
客秋吳下吏誤權水衡錢
計相鋒車出羣霄草索連
聖人頻寄問方鎮共憂前
談笑看公到從容把事

全微言風款款握算腹便便吉甫元和旌夷吾手實篇
霜燈觀檢校公府苦周旋黑霧消三里蒼生付一肩橫
塘遺檠戟吳市滿香烟此際飛春兩忻逢啟壽筵自持

書一卷不羨客三千錦幄靈萱茂金堂寶樹聯台星方

眉耀元髮未華顛賤子長餐木何時慰執鞭銜花慙白

鹿斟酒對紅泉身賤趨陪少情深禮數捐新詩商格律

古王論雕鐫驚眼雙龍勺

公有龍勺甚古

低頭五色箋瓊瑤堪

比德筆墨更如仙喜傍慈雲近終增小草妍私情備寇

住公論祝鶯遷感舊京華日陳情暮雨天謹歌壽人曲

交與女兒絃

自嘲

小眠齋裡苦吟身才過中年老亦新偶戀雲山忘故土
竟同猿鳥結芳隣有官不往偏尋樂無子爲名又買春
自笑匡時好才調被天強派作詩人

戲柬似紉

想見西園暑乍收碧梧翠竹兩修修六郎池上憑欄立
我替蓮花起暮愁

傳聞遺失金條脫羽化銀盃可絕踪惟有玉人偏不惱

抱郎雙腕暫輕鬆

奴盜金釧逃去

短曲長歌字數行六年無日不相將屏風若有蕭娘記
紅豆拋殘第幾箱

約我花階設綺筵定期七夕晚涼天牽牛織女河邊笑
又累人問請客錢

聽鶯曲爲研農主人作

垂楊絲裊裊黃鳥聲衣中有聽鶯人短髮形飄蕭一
聲初嚀如夏玉千聲萬聲肉勝竹細雨搖風欲落花斜
陽覆水難終曲當年行役赴遼西只有黃驄陌上嘶青

天蜀道家山遠芳草長亭落照低歸來楊柳如人大流
鶯還抱楊柳坐紅雨當頭仔細聽聽時能使春愁破自
非天性少情人爭耐聞鶯不怨春我將滿載青山酒同
着流鶯一問君

虞山小住贈許芝田明府

同咏霓裳廿四春重聯芝蓋五湖濱但知俸好全供母
豈料官清轉累人時方調簡索助宓子弦歌宜小邑許由家世
本天民白門烟柳青溪水記爾留連墨尚新

從吳下還家句容遇雪重宿朱園感贈主人

不到朱園住星霜幾歲遷主人驚客至扶病出堂前握手先看面回頭各記年燈明曾宿榻壁損舊題箋出拜
兒孫大堆盤膳飲鮮卸裝庭繫馬輒脚僕分錢恰值隆
冬月重逢大雪天擁爐呵凍筆索火煖泥韜精比還家
好交因垂老憐苦留君宛轉久別我纒綿敢惜于觴醉
多增一夜眠再來應有日切莫指華顛

小倉山房詩集卷十七

壬午癸未

錢唐袁枚子才

魚門極愛萬石坡遺集余讀之中有與袁子才聽
雨之作愴然感舊爲題一詩

偶翻亡友藥于集中有同吟我姓名二十年前春雨夜
九重天外化人城雲璈品逸宮商冷鸚鵡才高福分清
難得心香最供奉未曾傾蓋一程生

寄樹齋雨林

恨事如流水都來三月中人間送公子天上別春風

馬駭聲響落花滿地紅所思人不見燈影小樓空

五月五日竹嶼山房卽事

五月五日橫塘槎欲泊不泊詩人家詩人愛客不見客
尋客似轉菖蒲花一行名紙來相請主人先在歌場等
迎得開元鶴髮翁紅兒都把花冠整就中飛燕尤輕盈
與余相識似有情調笙簫按鵲絃譜橫笛新翻水調聲
滿堂詞客齊招手清臚所屬君知否留得當場壓隊花
那愁似海東家酒親挽嚴粧坐綺筵冠纓欲挂僊羅綿
詩境重開鋪錦地春心欲闕水嬉天曲終送客高樓宿

樓上垂楊晚烟綠竹響牙消歌吹音夢回還照金花燭
明朝搖櫓泛餘杭曳雪童雲別陸郎調瑛堂彈指人生能
有幾客中如此作端陽

望山公嫌枚踪跡太疎賦詩言志

向平婚嫁爭匆匆今歲光陰道路中一字不曾忘訓誨
終年只當坐春風月臨秋水增顏色松抱青山托始終
苦戀荒莊栽小草頻來敢負蠟花紅

送魚門舍人入都

省郎簪筆侍彤闈綵鷁乘風向北飛深喜故人從此貴

人
卷一百一十五
二
怡憐知己自今稀
長卿家破官才得
翁子才高願豈違
忍住頭顱未成雪
聖明時際莫言歸

雪龍踪跡記前因
海內論交子最親
山館夜涼分聽雨
水窓花落共傷春
聯床尚作同遊夢
土馬頻驚欲去身
此後蕭齋風月冷
再緣陳榻恐無人

幽燕此去路迢迢
往日鴻泥跡未消
判事莫談溫室樹
還官穩戴侍中貂
十行漢詔揮新墨
一卷唐詩補早朝
想見上林烟柳外
季良長鬢影飄蕭

舍人多髯

中年容易動深情
況唱驪歌與客聽
折柳路從江上盡